

Apply Now



Član Istraživačkog Tima u UNICEF BiH

Lokacija: Sarajevo i Banja Luka, Bosna i Hercegovina
Trajanje: 30 radnih dana u periodu juni-oktobar 2024
Početni datum: Druga polovina juna

Opis

Kancelarija UNICEF-a u Bosni i Hercegovini (BiH) nastoji uključiti univerzitete i visokoškolske ustanove širom zemlje u pružanje podrške tekućim istraživanjima i nastojanjima da se osmisle programi utemeljeni na dokazima kako bi se istražili programski pristupi usmjereni na ranjivost adolescenata. Nadovezujući se na prednosti akademske suradnje i uključenosti studenata u rješavanje društvenih izazova, UNICEF u BiH prepoznaje univerzitete kao strateške partnere s ključnim kapacitetima i resursima za UNICEF-ove programe, a posebno za istraživačke svrhe. Univerziteti će imati priliku sudjelovati u vrhunskim istraživanjima koja se bave programskim pristupima i ključnim pitanjima koja utječu na adolescente na međunarodnoj razini. Uključivanje studenata u istraživački tim također ima za cilj unaprijediti akademske kriterije, praktičnu relevantnost istraživanja te doprinijeti razvoju vještina studenata u BiH.

UNICEF BiH u saradnji sa Univerzitetom u Sarajevu (UNSA) i Univerzitetom u Banjoj Luci (UNIBL) traži studente koji su zainteresovani proširiti svoja praktična iskustva, učiti od kolega i stručnjaka, proširiti svoje profesionalne mreže te produbiti svoje razumijevanje rada UNICEF-a i Ujedinjenih nacija. Od studenata se očekuje da se pridruže istraživačkom timu, aktivno doprinoseći istraživačkom procesu tokom cijelog njegovog trajanja.

Opis posla i odgovornosti

- Učestvovati u istraživanju kao članovi istraživačkog tima.
- Suradivati sa vođom tima i kolegama sa drugih univerziteta u svim fazama istraživačkog procesa.
- Učestvovati u sesijama za razvoj i poboljšanje istraživačkih vještina u metodama prikupljanja podataka, provođenju anketa te kvantitativnim i kvalitativnim tehnikama istraživanja.
- Sudjelovati u aktivnostima terenskog rada, uključujući vođenje intervjua, fokus grupa i prikupljanje podataka.
- Aktivno sudjelovati u analizi podataka, kodiranju, tematskoj analizi i interpretaciji pod mentorstvom.
- Doprinijeti izradi dijelova izvještaja o istraživanju na osnovu prikupljenih podataka.
- Doprinijeti razvoju strategija za promoviranje, fokusirajući se na inovativne metode za predstavljanje rezultata istraživanja adolescentima, donosiocima politika i odluka, osoblju UNICEF-a u zemlji i šire, kao i drugim relevantnim akterima.

Apply Now



Kvalifikacije

- Studenti prvog ciklusa treće ili završne godine, studenti prve ili studenti druge godine master studija.
- Studij psihologije, sociologije, političkih studija, međunarodnih odnosa i/ili ekonomije.
- Izražene analitičke vještine i poznavanje metoda prikupljanja kvantitativnih/kvalitativnih podataka.
- Spremnost i interesovanje za učenje softvera i baza za analizu podataka; razumijevanje statističkih paketa je prednost.
- Pažnja prema detaljima, sposobnost da se ispoštuju rokovi i odlične vještine timskog rada.
- Kulturološka osviještenost.
- Dobro poznavanje engleskog jezika i tečno poznavanje bosanskog/srpskog/hrvatskog jezika.

Ponuda UNICEF-a

- **Finansijska kompenzacija:** Studenti koji učestvuju će dobiti finansijsku nadoknadu za svoje učešće u projektu.
- **Iskustvo primijenjenog istraživanja:** Jedinstvena prilika za stjecanje neprocjenjivog praktičnog iskustva koje direktno doprinosi razvoju politika zasnovanih na dokazima u Bosni i Hercegovini kroz saradnju sa UNICEF-om i drugim cijenjenim međunarodnim organizacijama.
- **Razvoj vještina:** Potpuno finansirana obuka za razvoj i poboljšanje istraživačkih vještina u metodama prikupljanja podataka, provođenju anketa i kvantitativnim i kvalitativnim tehnikama istraživanja.
- **Umrežavanje i mentorstvo:** Mogućnost povezivanja i učenja od dugogodišnjih istraživača iz akademske zajednice i drugih priznatih međunarodnih organizacija s ciljem širenja profesionalnih mreža, učenje od profesionalaca u ovoj oblasti i obogaćivanje biografije kroz vrijedne uvide i iskustva.

Kako se prijaviti

Kako bi se prijavili, zainteresovani kandidati trebaju poslati svoj CV za ovu poziciju na e-mail adresu: ikenovic@unicef.org, s naslovom „**Aplikacija za člana istraživačkog tima**“.

Rok za prijavu je 17. juni 2024.

Bilješka

UNICEF je posvećen raznolikosti i inkluziji te ohrabruje kvalifikovane kandidate da se prijave. Sve prijave će se tretirati sa najstrožijim povjerenjem. Samo kandidati koji uđu u uži izbor će biti kontaktirani za intervju.